

東行入黑水大洋直取成山轉西至劉家島入沙門放萊州大洋至直沽如遇風順由浙西至京師不過旬月其道徑便國初海運猶仍元舊自會通河成報罷嘉靖中尋膠萊故道燒鑿馬家濠十五里達于麻灣隆慶五年議因其故開新河會江南之糧由淮安清江浦口歷新壩口馬家濠麻灣口海倉口徑抵直沽天津止一千六百里半從河行其海行者止由海套不汎海洋惟馬家濠分水嶺二處開鑿爲難遣科臣勘報竟以無源水多沙磧而止

又曰福建布政司水波門船廠船要水手護送其神仙壁碧水島有賊開洋至三岔河口一二日至古山寺送香燭防東南颶作潮過平息至望琪港娘娘廟前泊一日至長樂港口一日至民遠鎮巡檢司一日至總埠頭港一日至福寧左衛要水手送一日至五虎廟燒總福一日至五虎門開洋望東北行正東便是裏衣山正北便是定海所東南是福青縣鹽塲一日至王家峯海島泊一日至高山巡檢司西洋山口泊一日至福寧縣幫娘娘廟前泊一日至滿門所防霧晚收紅艚漕巡司海口